




www.BibleForChildren.org

Génesis 1



Imapis manaraq kaptinmi
Tayta Dios kamarqan
jana pasatapis
kay pasatapis.



Kay pasa manami kanan
kaykashqannösu karqan,
sinöqa yanawyaykaq yakulami.
Say yaku jananchömi Tayta
Diospa Espiritun
kuyuykarqan.




Saymi Tayta Dios nirqan: <<¡Asikyay kasun!>> Niptinmi asikyay yurirqan. Asikyaqpa jutintami churaparqan junaq kananpaq y sakaypatanami paqas kananpaq. Saykumatami kamarqan punta kaq junaqcho.




Saypitanami Tayta Dios nirqan: <<Ishkayman yaku rakiränanpaq yaku chawpincho azulyaraykaq kasun>>. Azulyaraykämuqpa jutintami Tayta Dios churaparqan jana pasa jutin kananpaq. Saykumatami kamarqan ishkay kaq junaqcho.



Saypitanami Tayta Dios nirqan: <<Saki pasa rikakänanpaq ura kaq yaku juk pasalaman juntakäsun>>. Nishqannölämi lapanpis kamakarqan. Saki kaqpa jutintami Tayta Dios churaparqan pasa jutin kananpaq. Shuntakash kaq yakutanami lamarta jutisirqan. Sayno kamarkurmi Tayta Dios rikarqan ali kashqanta.



Nirkurnami nirqan: <<Alpapita winamusun tukuy casta jachakuna, muruyuq qewakuna karpis y tukuyläya wayuq jachakuna karpis>>. Nishqannölämi lapanpis karqan. Saykunatami kimsa kaq junaqcho kamarqan.




Saynömi intita, killata y qoyllarkunatapis kamarqan.
Intita kamarqan junaqpa asikyänanpaq
y killatanami kamarqan sakaypa
asikyänanpaq. Saykunatami
chusku kaq junaqcho kamarqan.



Saypitanami Tayta Dios
nirqan: <<Yakucho imayka
niraq kawaqkunawan pasa
jananpa pajaqkunapis
aska kayäsun>>.
Saykumatami pisqa kaq
junaqcho kamarqan.




Saypitanami Tayta Dios nirqan: <<Ashmana kaq y
mana ashmana kaqpis tukuy niraq uywakuna kayäsun.
Sayno kayäsun pachalanpa y lätaypa puriqkunapis>>.
Nishqannölämi lapanpis kamakarqan.



Nirkurnami Tayta Dios nirqan: <<Kananqa runata kamashun kikinsi niraqta. Noqansino kananpaqmi payta kamashun. Paypa munayninchömi kayanqa pescädukuna, pajaqkuna, ashmana kaq mana ashmana kaq uywakuna y pachalanpa y lätaypa puriqkunapis>>. Lapan kamashqankuna selläma ali kashqantami Tayta Dios rikarqan. Saykunatami soqta kaq junaqcho kamarqan.



Kamashqan runatami Edén huertaman Tayta Dios
churarqan saycho arur shumaq rikananpaq.



Nirkurnami runata nirqan:
<<Kay huertacho kaq
jachakunapa
wayuyninqa lapanpis
mikunaykipaqmi kaykan.
Isanqa ama mikunkisu
alita y mana alita
musyasikuq jachapa
wayuyninta. Sayta
mikurqa wanunkipaqmi>>.



Saynöpami jutinkunata Adán
churaparqan ashmana kaq mana
ashmana kaq uywakunapata y
pajaqkunapatapis. Lapan casta
uywakuna kaptinpis runapa
majanpaqnöqa manami karqansu.



Saymi Tayta Dios wanuypa Adánta punukaskasir juk
custillanta jorqurirqan. Jorquskirnami kashlan
aliyarkasirqan. Say jorqushqan
custillanpita warmita
kamarkurmi runa
kaqman pusharqan.



Saymi mamanpa y taytanpa makinpita
runa yarqukun warminwan mana
rakikaypa tñananpaq. Ishkaq karpis
juklaylanömi kayanqa.



Runakunata kuyashpanmi juklayla
Surinta Tayta Dios kachamurqan.
Saymi pipis payman yärakuq kaqqa
ushakanqasu, saypa trukanaq mana
ushakaq kawayta tarinqa.



Romanos 3:23 Lapan runakuna jusayuq karmi Tayta Diospa nawpanman chayta kamäpakuyansu.

Romanos 6:23 Jusalikuyqa wanuymanni apamansi. Señorinisi Jesucristo noqansi rayku wanush kaptinmi Tayta Dios dembaldila salvamansi nawpancho imayyaqpis kawanansipaq.

Hebreos 9:27 Saynölami lapan runakunapis juk kutila wanuyan y saypitaqa juzgashnami kayanqa.

Efesios 2:8,9 Tayta Dios kuyapäkuq karmi Jesucristuman yärakush salvacionta qaramashkansi. Manami kikinshipitasu ni alita rurashqansipitasu salvacionta tarishkansi, sinöqa Tayta Diospitami. Saymi pipis alabakur ninqasu: <<Alikunata rurashqäpitami Tayta Dios salvamash>>.



Romanos 10:9,10 Jesucristo ämuyki kashqanta nirqa y wanushqanpita Tayta Dios kawarisimushqanta lapan shonquykikunawan criyirqa salvashqami kayanki.

Lapan shonquykiwan criyiyaptikiqa Tayta Dios perdonayäshunkimi. <<Señor Jesucristuqa äümümi kaykan>> niyaptikiqa Tayta Dios salvayäshunkimi.

Juan 3:16,17 Runakunata kuyashpanmi juklayla Surinta Tayta Dios kachamurqan. Saymi pipis payman yäraquq kaqqa ushakanqasu, saypa trukanqa mana ushakaq kawayta taringa. Manami runakunata infiernuman qaykunanpaqsu Tayta Dios Surinta kachamurqan, saypa trukanqa payman yärukuyaptin salvananpaqmi.



1 Juan 5:11-13 Mana ushakaq kawayta qomashqansitami
Tayta Dios tantiyasimashkansi. Say kawaytaqa tarinsi
Surin Jesucristuta chaskikurmi. Tayta Diospa Surinta
chaskikuq kaqqa mana ushakaq kawaytami tarin. Mana
chaskikuq kaqmi isanqa say kawayta tarinqasu. Tayta
Diospa Surinman yarakuyaptikimi kay cartata apaykäsümü
mana ushakaq kawayta tariyashqaykita musyayänaykipaq.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Quechua Huamalíes-Dos de Mayo Huánuco Bible (qvh) ©
2003, Wycliffe Bible Translators, Inc. All rights reserved.

<https://www.bible.com/bible/670/2CO.5.QVHB>

©2025 Bible for Children, Inc.

www.M1914.org

www.bibleforchildren.org

